

**MINISTARSTVO UNUTRAŠNJIH POSLOVA KANTONA SARAJEVO –
UPRAVA POLICIJE, La Benevolencija br. 16, koju zastupa policijski
komesar Generalni inspektor policije Fatmir Hajdarević, (u daljem tekstu:
Ugovorni organ)**

i

**KM TRADE d.o.o Visoko, Čaršijska bb, ID: 4218204070008, koga zastupa
direktor Nihad Mašić (u daljem tekstu: Dobavljač)**

Zaključili su:

UGOVOR O NABAVCI POLICIJSKE ZAŠTITNE OPREME

Član 1.

Predmet ovog ugovora je nabavka policijske zaštitne opreme za potrebe Uprave policije Ministarstva unutrašnjih poslova Kantona Sarajevo.

Nabavka je izvršena putem ograničenog postupka, na osnovu Odluke, broj: 02-11-4-5358/25, od 15.09.2025. godine.

Ugovor se zaključuje u skladu sa uslovima iz tenderske dokumentacije i prihvaćenom ponudom Dobavljača.

Ponuda broj: 05-01/26 sastavni je dio ovog ugovora.

Član 2.

Ukupna vrijednost ovog ugovora iznosi 427.000,00 (četiristinedvadesetsedamhiljada i 00/100) KM bez PDV-a.

Isporuka predmetne robe će se izvršiti po cijenama i uslovima iz ponude Dobavljača.

Dobavljač se obavezuje da su cijene iz Ponude fiksne za vrijeme trajanja ugovora, odnosno ne podliježu bilo kakvim promjenama za vrijeme trajanja Ugovora.

Član 3.

Dobavljač se obavezuje da će u roku od deset (10) dana od dana obostrano potpisanog ugovora dostaviti garanciju za uredno izvršenje ugovora u obliku bezuslovne bankarske garancije u iznosu od 5% od vrijednosti ugovora sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

Ukoliko garancija za uredno izvršenje ugovora nije dostavljena na propisan način, shodno uslovima iz tenderske dokumentacije i u roku koji je odredio ugovorni organ, zaključen ugovor će se smatrati apsolutno ništavim.

Garancija za uredno izvršenje ugovora realizuje se u slijedećim slučajevima:

- u slučaju raskida ugovora krivnjom Dobavljača zbog kršenja odredaba zaključenog ugovora, pod uslovom da je prethodno pismeno obaviješten o svakom propustu da postupi po ugovoru i da u ostavljenom roku nije izvršio ispravku takvih propusta;
- u slučaju otkazivanja ugovora od strane Dobavljača prije isteka roka na koji je isti zaključen, pod uslovom da razlog za otkaz nije nastupio kao posljedica kršenja odredaba ugovora od strane Ugovornog organa.

Član 4.

Dobavljač se obavezuje da ugovorenu isporuku izvrši u roku od 120 (stotinudvadeset) dana od dana obostranog potpisivanja ugovora,

Sve troškove isporuke do primopredaje, kao i troškove reklamacije snosi Dobavljač.

Roba će se isporučiti na adresu Ugovornog organa, magacin Rakovica, Grabova broj 14, 71000 Sarajevo.

U slučaju osnovanih primjedbi na ispunjenje ugovorenih obaveza Dobavljača, Dobavljač je dužan da o svom trošku učini sve da te nedostatke otkloni u što kraćem roku.

Dobavljač se obavezuje da ugovorene obaveze izvrši stručno, pravilno i kvalitetno, u skladu sa važećim tehničkim propisima, standardima i zakonima.

Član 5.

Nakon isporuke robe koja je predmet ovog ugovora, ovlaštena osoba Dobavljača je obavezna ovlaštenoj osobi ispred Ugovornog organa dostaviti otpremnicu za isporučene robe (po vrsti i količini) u dva primjerka, koja je uredno ovjerena i potpisana od strane ovlaštene osobe Dobavljača. Po prijemu robe otpremnicu potpisuje i ovlaštena osoba Ugovornog organa, zadužena za prijem robe.

Nakon formalnog preuzimanja robe od strane Ugovornog organa, obaviti će se vizuelna kontrola robe bazirana na upoređivanju s odobrenim uzorkom dostavljenim uz ponudu u pogledu veličine, boje, propisanih parametara dimenzija i sličnih parametara.

Osim vizuelne kontrole, nakon formalnog preuzimanja robe izvršiti će se i obavezno laboratorijska i vizuelna analiza nasumično uzetog uzorka zaštitnog odijela za suzbijanje nemira i torbe za nošenje u akreditovanoj laboratoriji, radi provjere usklađenosti sa tehničkim uslovima tenderske dokumentacije. Slučajni uzorak će se uzeti u prisustvu ovlaštene osobe Ugovornog organa i ovlaštene osobe Dobavljača robe, o čemu će se sastaviti zapisnik.

Ugovorni organ će preuzeti robu samo ako je u skladu s propisanim tehničkim specifikacijama tenderske dokumentacije. U slučaju da rezultati vizuelne kontrole i vizuelne i/ili laboratorijske analize isporučene robe ne odgovaraju tehničkim specifikacijama iz tenderske dokumentacije, dobavljač će preuzeti cjelokupnu isporuku nazad sa skladišta Uprave policije bez dodatnih troškova za Ugovorni organ.

Dobavljač se obavezuje nakon obavljene vizuelne i laboratorijske analize dostaviti Ugovornom organu istu količinu robe kao zamjenu za robu koja je korištena u laboratorijskim ispitivanjima bez dodatnih troškova za Upravu policije.

Poslije izvršene laboratorijske i vizuelne analize, o isporučenoj robi bit će sačinjen zapisnik o kvantitativnom i kvalitativnom prijemu u smislu vidljivih nedostataka na robi (mogućih oštećenja) i njenoj usklađenosti sa tehničkom specifikacijom koja je u postupku tražena (čiji će sastavni dio biti otpremnica). Zapisnik se sačinjava u dva istovjetna primjerka, od kojih jedan zadržava Ugovorni organ, a jedan Dobavljač.

Zapisnik će biti potpisan od strane ovlaštenog lica Ugovornog organa i od strane ovlaštenog lica Dobavljača.

Ukoliko lice zaduženo za prijem robe konstatuje određene nedostatke u kvalitetu ili kvantitetu isporučene robe, neće se sačinjavati zapisnik o prijemu, već će se sačiniti zapisnik o reklamaciji, koji Ugovorni organ dostavlja Dobavljaču. Sve primjedbe na izvršenu isporuku će biti konstatovane u zapisniku.

Svi troškovi u vezi sa zamjenom robe koja nije u skladu sa zahtjevanom tehničkom specifikacijom, u smislu predložene navešene, kao i druge troškove i stete koje bi mogli proisteći s tim u vezi, padaju na teret Dobavljača.

Ovlaštene osobe ispred sporazumnih strana će biti određene i strane međusobno obavještene o tome, u roku od 10 (deset) dana od dana potpisivanja ugovora.

Član 6.

Dobavljač se obavezuje priznati reklamaciju na kvantitet i kvalitet isporučene robe, koja će biti praćena zapisnikom o reklamaciji, uz obavezno navođenje nedostataka isporučene robe i datuma i broja računa (otpremnice) Dobavljača kako bi se zadovoljili uslovi reklamacijskog roka.

Roba će se smatrati uredno isporučenom tek kada u zapisniku o prijemu bude konstatovano da je primopredaja izvršena bez primjedbi.

U slučaju osnovanih primjedbi na ispunjenje sporazumnih obaveza Dobavljača, konstatovanih u zapisniku o reklamaciji, Dobavljač je dužan da o svom trošku učini sve da te nedostatke otkloni u što kraćem roku, koji će mu u zapisniku odrediti Ugovorni organ.

Član 7.

Dobavljač pruža ugovornom organu garanciju za isporučenu robu u trajanju od: 12 (dvanest) mjeseci i počinje da vrijedi od datuma uredne isporuke.

Dobavljač garantuje da je roba u skladu sa tehničkim specifikacijama koje je postavio Ugovorni organ.

U toku garantnog perioda Dobavljač je dužan da na poziv Ugovornog organa o svom trošku otkloni sve nedostatke robe, odnosno isporuči drugu robu koja će odgovarati uslovima iz njegove ponude.

Ukoliko se oštećenja i nedostaci pokažu za vrijeme trajanja garancije, Ugovorni organ bez odlaganja o tome obavještava Dobavljača.

Dobavljač se obavezuje da će poštovati sve garantne uslove, a u toku trajanja garantnog perioda.

Ova obaveza Dobavljača se ne odnosi na štetu koja nastupi kao posljedica nestručnog rukovanja i više sile.

Član 8.

Ugovorne strane prihvataju da svi podaci, informacije i dokumentacija do koje imaju pristup, za vrijeme trajanja ovog ugovora, kao i nakon prestanka njegovog važenja, u skladu sa zakonom, predstavljaju poslovnu tajnu, te se obavezuju da sa povjerljivim informacijama koje se odnose na ovaj ugovor ili poslovanje ugovornih strana, odgovorno postupaju i da iste dalje neće dijeliti trećim stranama ili neovlaštenim osobama, bez prethodne pismene saglasnosti druge ugovorne strane.

Član 9.

U slučaju kašnjenja u isporuci roba, do kojeg je došlo krivicom Dobavljača, isti će platiti ugovornu kaznu u skladu sa Zakonom o obligacionim odnosima u iznosu od 0,03% vrijednosti naručene robe, za svaki dan kašnjenja do urednog ispunjenja, s tim da ukupan iznos ugovorne kazne ne može preći 10% od ukupno ugovorene vrijednosti koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Ugovornog organa.

~~Napлата ugovorne kazne će se izvršiti umanjenjem plaćanja fakturisanog iznosa u visini obračunate ugovorne kazne.~~

Ugovorni organ neće naplatiti ugovorenu kaznu ukoliko je do kašnjenja došlo usljed više sile.

Član 10.

Ugovorni organ će ugovorenu cijenu platiti Dobavljaču u roku od 30 (trideset) dana od dana uredno izvršene isporuke robe i dostavljanja pojedinačne fakture, na tekući račun Dobavljača.

Član 11.

Ugovorni organ zadržava pravo raskida ugovora ukoliko isporučena roba u smislu kvaliteta i svih drugih elemenata ne bude u potpunosti odgovarala uslovima iz prihvaćene ponude Dobavljača.

Član 12.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i utjecaja strana u ugovoru i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i sl.

Strana u ugovoru pogođena višom silom odmah će u pisanoj formi obavijestiti drugu stranu o nastanku nepredviđenih okolnosti uz odgovarajuće dokaze.

Član 13.

Dobavljač nema pravo zapošljavati, u svrhu izvršenja ovog ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke Ugovornog organa, najmanje 6 (šest) mjeseci po zaključenju ovog Ugovora, odnosno od početka realizacije ovog ugovora.

Član 14.

Ugovorni organ zadržava pravo da u slučaju kašnjenja ili neizvršenja ugovorenih obaveza ovaj Ugovor ~~raskine~~. ~~Ugovorne strane mogu raskinuti ovaj ugovor i prije njegove realizacije, ukoliko se jedna strana ne bude pridržavala njegovih odredbi, uz prethodno izmirenje svih obaveza utvrđenih po ovom ugovoru.~~ Otkazni rok je 15 (petnaest) dana, a po isteku ovog roka Ugovor se smatra raskinutim. O otkazu ugovorne strane se obavještavaju pismenim putem.

Ugovorni organ zadržava pravo raskida ugovora ukoliko isporučena roba u smislu kvaliteta i svih drugih elemenata ne bude u potpunosti odgovarala uslovima iz prihvaćene ponude Dobavljača.

Ugovorne strane su saglasne da svaka strana može jednostrano raskinuti ovaj ugovor i zadržati pravo na naknadu štete zbog raskidanja ugovora u slijedećim slučajevima:

- ako Dobavljač kasni sa isporukom, a zakašnjenje nije posljedica vanrednih okolnosti (više sile);
- ako Dobavljač dođe u situaciju da ne može ispostovati ugovor (stečaj, likvidacija i sl.);
- ako neka od ugovornih strana svoje dospjele obaveze ne ispuni ni u naknadno prihvatljivom roku za sve ugovorne strane;
- ako je iz okolnosti posla jasno da jedna od ugovornih strana neće moći ispuniti svoju obavezu i onda kada bilo koja ugovorna strana izjavi da svoju obavezu neće ispuniti.

Obavještenje o jednostranom raskidu ugovora mora se dostaviti drugoj ugovornoj strani isključivo u pismenom obliku.

Član 15.

Na ostala prava i obaveze ugovornih strana, koja nisu regulisana ovim Ugovorom primjenjivat će se odredbe Zakona o obligacionim odnosima.

Član 16.

Eventualno nastale sporove pri realizaciji ovog ugovora, Ugovorne strane će rješavati sporazumno.

U slučaju nemogućnosti sporazumnog rješavanja, Ugovorne strane utvrđuju nadležnost Suda u Sarajevu.

Član 17.

Ovaj ugovor je zaključen, kada isti potpišu obje ugovorne strane i traje do uredne realizacije ugovorenih obaveza ugovornih strana.

Član 18.

Ovaj ugovor izrađen je u 4 (četiri) istovjetna primjeraka, od kojih Ugovorni organ zadržava 2 (dva), te Dobavljač 2 (dva) primjerka.

DOBAVLJAČ
KM TRADE d.o.o. Visoko



direktor Nihad Mašić

Broj :

197/26

Datum:

24.02.2026. godine

UGOVORNI ORGAN
MUP KANTONA SARAJEVO
UPRAVA POLICIJE



POLICIJSKI KOMESAR
Generalni inspektor policije

Fatmir Hajdarević

Broj: 02-11-4-5358-18/25

Datum: 20.02.2026. godine